

# Ժողովուրդ

64  
(2914)

15 մայիսի չորեքշաբթի 2024  
տպագրության ԺԳ տարի


Է. Երեւան, Արուսյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՓՈԽՄԱՐԶՊԵՏԻ ԿԻՆԸ 4 ՏԱՐԻ Է՝ ՂԱՅՏԱՐԱՐԱԳԻՐ ՉԻ ԼՐԱՑՆՈՒՄ




Իշխանությունը Կոռուպցիայի կանխարգելման հանձնաժողովը «զավթելու» մտադրություններ վաղուց է որոնում: Սա, ըստ երեւոյթին, արվում է սեփական թերությունները շտկելու ու կոռուպցիոն վարույթները կարճելու համար: Ներկայիս իշխանությունը, որը նախկինում ընդդիմություն էր, կաղաղակեր է կթմբկահարեր, երբ իշխանական որեւէ պատգամավորի կին կամ ընտանիքի այլ անդամ հայտարարագիր չներկայացներ: Օրինակ՝ հարցական է, թե ինչ կասեն ԿԿԻ-ն եւ իշխանական թերը այն փաստի մասին, որ սեփական պատգամավորի կինը արդեն գրեթէ 4 տարի է հայտարարագիր չի ներկայացնում:

Այսպիսով՝ Գեղարքունիքի հետհեղափոխական փոխմարզպետ, ապա ԱԺ պատգամավոր Նարեկ Գրիգորյանի հայտարարագիրը, կարծես, ըստ պահանջի լրացված է, սակայն նույնը չենք ասի կնոջ հայտարարագրի մասին: Նարեկ Գրիգորյանի կինը՝ Մարիետա Նիկոյանը, 2020-2021 թվականներից հայտարարագիր չի ներկայացրել, չնայած նրան, որ աշխատում է ՀՀ Գեղարքունիքի մարզպետարանում որպես առաջատար մասնագետ: Սա դեռ ամենը չէ. մինչեւ հունիսի 22-ը հայտարարագիր ներկայացնելու ժամանակ կա, սակայն այս արձանագրամբ, Գրիգորյանի կինը դժվար թե հայտարարագիր ներկայացնի:

Սա էլ այն կոռուպցիան է, որը փորձում է թաքցնել իշխանությունը. սակայն, «ցավոք», լրատվական համայնքը նման հարցերը ծածուկ չի թողնի:

Փորձեցինք Նարեկ Գրիգորյանից մեկնաբանություն ստանալ՝ ո՞րն է պատճառը, որ կինը տարիներ շարունակ հայտարարագիր չի ներկայացրել: Մեր զանգերը մնացին անպատասխան. համարն անհասանելի էր, ինչպես այս օրերին գրեթէ բոլոր ԶՊ-ական պատգամավորների դեպքում է:

Բագրատ արքեպիսկոպոս Գալստանյանը Հայաստանում սեփականություն չունի. նա բնակվում է կացարանում: Տավուշի թեմի առաջնորդ Բագրատ Սրբազանի նախաձեռնած շարժման առաջին իսկ օրվանից իշխանությունն ամբողջ ռեսուրսներով լծվել է շարժման անդամների, մասնավորապես՝ Բագրատ Սրբազանի հասցեին տարատեսակ սուտ տեղեկություններ տարածելու գործին: Մեկ ասացին, թե կուսակրոն քահանա Բագրատ արքեպիսկոպոսի երկու որդիները չեն ծառայել բանակում, այն դեպքում, երբ նա որդիներ չունի: Օրերս էլ ԶՊ-ի կողմից հրապարակ նետվեց տեղեկություն՝ Բագրատ արքեպիսկոպոս Գալստանյանը Lexus LX 570 մեքենա է վարում, որի շուկայական արժեքը տատանվում է 40 հազարից 65 հազար դոլարի միջև: «Ժողովուրդ» օրաթերթի հետ զրույցում Տավուշի թեմի լրատվության պատասխանատու Լիդիա Մանթաշյանը, պատասխանելով հարցին, թե ինչ ավտոմեքենա է վարում Սրբազանը եւ ինչ միջոցներով է գնել, ասաց. «Դա 2008 թվականի մեքենա է, այնպես չէ, թե նոր, թարմ ավտոմեքենա է: Բագրատ Սրբազանը՝ որպես Տավուշի թեմի առաջնորդ, մշտապես իր խնամքի տակ է պահել դիրքերը պահող տղաներին եւ զորամասը: Նոր տարուն նույնիսկ մշտապես բարձրանում էր դիրքեր, զորամասեր ու տղաների հետ էր նշում Ամանորը: Եվ տարիներ առաջ՝ 2017 թվականին, երբ Բագրատ Գալստանյանը Կարո Առաքելյանի հետ հերթական անգամ գնացել է զինվորների Ջատկի տունը շնորհավորելու, դրանից հետո, Կարո Առաքելյանը Սրբազանին մեքենա է նվիրել»: Ավելին՝ ըստ «Ժողովուրդ» օրաթերթի տեղեկությունների՝ Բագրատ Սրբազանն առհասարակ Հայաստանում տուն կամ այլ անշարժ գույք չունի: Մեզ հետ զրույցում Տավուշի թեմի առաջնորդարանից ասացին, որ Բագրատ Սրբազանը Մայր աթոռում իր համար հատկացված կացարան ունի, որտեղ բնակվում է. իսկ այս օրերին Երեւանում վագոն-տնակում կամ հյուրանոցում է գիշերում:



Մինչ հանրապետությունում քաղաքացիները, Բագրատ Սրբազանի գլխավորությամբ, «Տավուշը հանուն հայրենիքի» ակցիայի ամենօրյա պայքարի մեջ են, քննարկվում է մեր երկրի վաղվա գոյության հարցը, Երեւանի նախկին քաղաքապետ Հայկ Մարությանը քաղաքապետարանի շենք մտնելու հարցն է դատարանում վիճարկում: «Ժողովուրդ» օրաթերթին հայտնի դարձավ, որ մայիսի 13-ին Երեւանի նախկին քաղաքապետ, «Նոր ուժ» կուսակցության ղեկավար Հայկ Մարությանը դատի է տվել Երեւանի քաղաքապետարանին եւ ներքին գործերի նախարարությանը: Ըստ մեր տեղեկությունների՝ Հայկ Մարությանը պահանջում է, որ դատարանը 09.10.2023 թվականի թիվ 3179-Ա, ՀՀ ՆԳՆ ոստիկանության ՊՊԳՎ ԿՕ եւ ՀԶՊ գնդի 09.10.2023 թվականի թիվ 63-Ա համատեղ հրամաններն անվավեր ճանաչի եւ հայցվորի՝ Երեւանի քաղաքապետարան մուտք գործելու արգելանքը վերացնի: Հիշեցնենք, որ մարտի 12-ին Երեւանի քաղաքապետարանի շենքի դիմաց հավաքվել էին մեծ թվով քաղաքացիներ, որոնք դեմ էին տրանսպորտը թանկացնելուն: Նրանք թվում էր նաեւ Երեւանի նախկին քաղաքապետ Հայկ Մարությանը, որին թույլ չէին տվել մուտք գործել շենք: Գործը մակագրվել է դատավոր Հերմինե Մուրադյանին:



Հակակառուցիոն դատարանում դեռ շարունակվում է Արցախի «Եղնիկներ» զորամասի հրամանատար, Արցախի հերոս Կարեն Զալալյանի՝ Զյուխի հարցաքննությունը: ՀՀ Հակակառուցիոն դատարանը վերջինիս արդեն երրորդ անգամ է հրավիրում հարցաքննության՝ ՊԲ նախկին հրամանատար Միքայել Արզումանյանի դեմ հարուցված քրեական գործի շրջանակում: Նշենք, որ այդ գործը քննվում է դռնփակ դատական նիստի շրջանակներում: Հիշեցնենք՝ 2022 թվականի սեպտեմբերի 1-ին դատախազությունը հայտարարեց, որ Արցախի ՊԲ նախկին հրամանատար, Արցախի նախագահի խորհրդական Միքայել Արզումանյանին մեղադրանք է ներկայացվել՝ 2020 թվականի Արցախյան պատերազմի ընթացքում ռազմավարական կարեւոր նշանակություն ունեցող «Արեգա» բարձունքը եւ հարակից մարտական դիրքերն ազատագրած անձնակազմին «նահանջ» հրաման տալու համար: Արզումանյանը կալանավորվել է սեպտեմբերի 1-ին եւ մինչ օրս գտնվում է կալանքի տակ:



ԶՐՈՒՅՑ

# «ՇԱՐԺՈՒՄԸ ՃՆՇԵԼ ՉԵՆ ԿԱՐՈՂԱՆԱԼՈՒ»

Քաղաքացիական խառնուրդի արձագանքի առաջնորդած երթի ժամանակ ArmLur.am-ը գրուցել է «Հայաքվե» նախաձեռնության անդամ Մեհուա Սողոմոնյանի հետ:

«Պարոն Սողոմոնյան, տեսնում եմք, որ ոստիկանությունը, գնալով, ավելի բիրտ ուժ է կիրառում, ավելի է կոպտացնում իր գործողությունները, անգամ կանանց, տարեցների ու երեխաների նկատմամբ է այդ ուժը կիրառում: Բերման են ենթարկվում անգամ պատգամավորներ եւ քաղաքական գործիչներ: Այս ամենին ի՞նչ գնահատական կտաք, քանի որ օրեր առաջ նաեւ Ձեզ էին բերման ենթարկել:

«Դա ցույց է տալիս, որ ռեժիմը, այսպես կոչված, խուճապի մեջ է: Վարչախումբը վախեցած ու ահաբեկված է, եւ իր բոլոր լծակները գործադրում է: Այսօր ցուցարարների երրորդ պիկետն են տարել տուգանային հրապարակ՝ տեխնիկական եւ նմանատիպ ինչ-որ պատրվակներով: Պետք է իրավապահ մարմիններին, ոստիկանությանը դիմենք, միջոտ հիշեցնենք՝ սրանք գնալու են, դուք մնալու եք: Մի՛ արեք քայլեր, որ հետո իրար աչքերի մեջ նայել չկարողանանք: Դուք պետական իշխանության ներկայացուցիչներ եք, քաղաքական իշխանության ներկայացուցիչներ, ապօրինի գործողություններից զերծ մնացեք:

Ի դեպ, ասեմ, որ մենք հանցագործության մասին հաղորդում ենք ներկայացրել դատախազություն՝ ոստիկանության այն աշխատակիցների դեմ, որոնք Կիրանցում բռնություն էին գործադրել մարդկանց նկատմամբ: այժմ հարուցվել են քրեական գործեր:

«Այսինքն՝ խոսքը բացառապես Կիրանցում տեղի ունեցած բռնությունների մասին է:



«Այո, դեռ այն ժամանակ, երբ բռնի գործողությունների էին իրականացնում քաղաքացիների նկատմամբ, հաղորդում էինք տվել, թե ինչո՞ւ սայլը տեղից չի շարժվում: Չէ՛ որ այդ ամենը նկարահանված է, կա, բայց գործեր չեն հարուցվում:

Այս ամենը, ինչ տեղի է ունենում, ցույց է տալիս, որ ժողովրդական շարժման աճին զուգընթաց, ռեժիմի վախերը շատանում են, եւ նա փորձում է «ոստիկանապետության» բոլոր մեթոդներով ճնշել

շարժումը, բայց դա, բնականաբար, չի ստացվելու: Այստեղ հավաքված մարդիկ զոհվածների ծնողներ են, որոնք իրենց ամենաթանկն են նվիրել հայրենիքի համար, մարդիկ են, որոնք ունեն քաղաքացիական, իրավական բարձր գիտակցություն, եւ ճնշումներով, քաջքջելով կամ խփելով, անգամ ձերբակալելով ու մեկուսացնելով, չի կարող այս շարժումը մարել: Նման մանր երեւոյթների ազդեցությունը չի կարող խանգարել մարդկանց:

**Զրուցեց ՔՐԻՍՏԻՆԱ ՍՈՒՇԵՐՅԱՆԸ**



## ՀԱՆՑԱԳՈՐԾՈՒԹՅԱՆ ՄԱՍԻՆ ՀԱՂՈՐԴՈՒՄ «ՀԱՅԱՔՎԵ»-ԻՑ



Տավուշի մարզի սահմանագծում ու սահմանագատումն ընդհանրապես օրենքից դուրս է: Այս մասին երեկ՝ մայիսի 14-ին, Դատախազության բակում լրագրողների հետ զրույցում ասաց «Հայաքվե» նախաձեռնության համակարգող Ավետիք Չալաբյանը:

Նա նշեց, որ այսօր հանցագործության մասին հաղորդում են ներկայացնելու բուն սահմանագատման գործընթացի վերաբերյալ. «Սահմանագատումը եւս օրենքից դուրս է, քանի որ մեր ներպետական գործընթացները նախատեսում են, որ ՀՀ սահմանը կարող է որոշվել միայն միջազգային պայմանագրի հիման վրա: Եթե միջազգային պայմանագիրը կքնվում է, այնուհետեւ ՄԴ-ի կողմից պետք է հաստատվի, ապա վավերացվի Ազգային ժողովի կողմից: Բայց Սահմանադրության 205-րդ հոդվածը պահանջում է, որ այն միջազգային պայմանագրերը, որոնք վերաբերում են ՀՀ տարածքին, նաեւ ընդունվեն համաժողովրդական հանրաքվեի միջոցով: Այսինքն, եթե որեւէ տեղ ՀՀ սահման է որոշվում, ապա այդ փաստաթուղթը, որով այդ սահմանը որոշվել է, ունի միջազգային պայմանագրի կարգավիճակ եւ այն պետք է անցնի բոլոր ներպետական գործընթացները»:

Ավետիք Չալաբյանն ասաց, որ սակայն որեւէ ներպետական գործընթացով այդ պայմանագիրը չի անցել: Նա նշեց, որ ՀՀ քաղաքացի բացառիկ իրավունք ունի որոշելու, թե որն է տարածքի սահմանը. «Եթե տարածքից նույնիսկ 1 մետր պակասում է, իսկ տվյալ դեպքում Կիրանցում ամբողջ բռնությունն ու կոնֆլիկտը պայմանավորված է նրանով, որ գյուղի մի մասը հանձնվում է Ադրբեջանին: Որեւէ կերպ չի կարելի, որ որեւէ պաշտոնատար անձ իր վրա վերցնի այդպիսի լիազորություն, որը կհամարվի լիազորությունների անցում: Եթե կազմակերպված խմբի միջոցով է արվել, նաեւ էական վնաս է հասցվել, ապա դա ծանրացուցիչ հանգամանք է, որը սահմանում է 4-5 տարի ազատազրկում»:

Նա ասաց, որ իրենք այժմ հանցագործության մասին հաղորդում են ներկայացնելու եւ հետամուտ են լինելու, որ քրեական վարույթ նախաձեռնեն:

Չալաբյանի խոսքով՝ քանի դեռ չկա միջպետական պայմանագիր, որով հաստատվում է որոշակի խաղաղություն ու համակեցության կանոններ երկու երկրների միջեւ, հնարավոր չէ սահմանագատում ու սահմանագծում իրականացնել:

ՓՈՎԻՆՅԱՆԸ ԽԱԲԵԼ Է. ՄԱՍ 207

# «ՁԵԶ ԿԵՂԵՔԵԼ ԵՆ, ՉԵՆ ԹՈՂԵԼ ԿՐԹՎԵՔ»

12.06.2021 թվականի նախընթացական բարոգաբանական ժամանակ Մեհուա Կիրանցում Նիկոլ Փաշինյանը հայտարարեց. «Ինչո՞վ է կեղեքող էլիտան աղաքակցի իր երկարամյակ իշխանությունը՝ առաջին հերթին ժողովրդին, զանգվածներին, զրկելով դասաճան կրթությունից»:

Էլիտայի ներկայացուցիչները իրենց երեխաներին ուղարկում էին էլիտար դպրոցներ, իսկ մեր ժողովրդի երեխաներին ուղարկում էին, այսպես ասած, ժողովրդական դպրոցներ՝ անգրագետ դառնալու: (Ի դեպ, Նիկոլ Փաշինյանի երեք զավակները սովորել են էլիտար դպրոց համարվող «Մխիթար Սեբաստացի» կրթահամալիրում, աղջիկն էլ այս պահին՝ Գերմանիայում խմբ.): 2019 թվականին մի հետազոտության արդյունքում պարզվեց, որ մինչեւ 10 տարեկան երեխաների 30 տոկոսն անգրագետ է, կարդալ չգիտի: Նրանք ոչ թե ուղղակի անգրագիտություն էին տարածում, նրանք այս միջոցով հպատակներ էին պատրաստում իրենց համար: Պետք է կեղեքող այս էլիտան փոխարինվի առաջնորդող էլիտայով»:

«Ժողովուրդ» օրաթերթը այս խոսքերից հետո հարկ է համարում հիշեցնել, որ 24.01.2024թ., ՀՀ ԿԳՄՍ նախարար Ժաննա Անդրեանյանն ԱԺ ամբիոնից հայտարարեց. «Համաձայն վերջին մարդահամարի տվյալների՝ 15-19 տարեկան երիտա-



սարդների 20, 6 տոկոսը չի սովորում որեւէ կրթական ծրագրով: Վիճակն առավել մտահոգիչ է 20-ից 24 տարեկան երիտասարդների մասով. այս տարիքային խումբը, ներառյալ՝ չսովորող երիտասարդների

համամասնությունը դառնում է 68,8 տոկոս՝ ավելի քան 140 հազար մարդ»: Նախարարը սա համարեց անթույլատրելի շեմ: Այլ կերպ ասած՝ Նիկոլ Փաշինյանի թեգերը սուտ էին, եւ նա խաբել է:



ԶԵՐԲԱԿԱԼՈՒԹՅՈՒՆՆԵՐ

ՔՐԵԱԿԱՆ ԳՈՐԾԵՐԸ «ՓԼՈՒԶՎՈՒՄ» ԵՆ

Երեկ ՀՀ ԲՆՆՅԱԿԱՆ ԿՈՄԻՏԵԻ ԵՐԵՎԱՆԻ ԲԱՊԱՖԻ ԲՆՆՅԱԿԱՆ ՎԱՐՉԱՊՅԱՆ ԿԵՆՏՐՈՆ ԵՆ ՆՈՐԲ-ՄԱՐԿԵ ՎԱՐՉԱԿԱՆ ԵՐԿՐՈՂ ԲԱԺՆՈՒՄ ԲՆՆՈՒՅՈՒՆ Է ԻՐԱԿԱՆԱԳՎԻՆ՝ մայրաքաղաքում իրականացվող բողոքի ակցիաների մասնակիցներից մեկի կողմից ապօրինի կերպով սառը զենք դառնելու և կրելու դեպքի բոլոր հանգամանքները դարձնելու ուղղությամբ:



2024 թվականի մայիսի 11-ին՝ ժամը 18:20-ին, ՀՀ ՆԳՆ ոստիկանության կենտրոնական բաժնի ՀՈԲ ծառայողների կողմից Երեւան քաղաքի Արամ-Բուզանդ փողոցների միջնամասում գտնվող «Խաչքարերի պուրակ» կոչվող հատվածից սառը զենք պահելու և կրելու հիմնավոր կասկածով ձերբակալվել է բողոքի ակցիայի մասնակիցներից մեկը, ում մոտից հայտնաբերվել է 60 սմ երկարությամբ պատյալով սուր:

Գեպքի առթիվ ՀՀ քրեական օրենսգրքի 334-րդ հոդվածի 1-ին մասի հատկանիշներով նախաձեռնվել է քրեական վարույթ, որի նախաքննությամբ պարզվել է, որ բողոքի ակցիայի հիշյալ մասնակիցը, 3 օր մասնակցելով Երեւան քաղաքի Հանրապետության Հրապարակում կազմակերպված հավաքների, կրել է երկարաշեղք սառը զենք հանդիսացող սուր:

Վերջինիս նկատմամբ ՀՀ քրեական օրենսգրքի 334-րդ հոդվածի 1-ին մասով հարուցվել է հանրային քրեական հետապնդում:

Քրեական վարույթով նախաքննությունը շարունակվում է. ու մինչ իրավապահները կպարզեն, թե սուրը ինչ նպատակով է եղել քաղաքացու մոտ, մեկ այլ գործով ուշագրավ վիճակ է:

Վերջինիս նկատմամբ ՀՀ քրեական օրենսգրքի 334-րդ հոդվածի 1-ին մասով հարուցվել է հանրային քրեական հետապնդում:

Նախաքննության շրջանակներում գնություն է եղել նշված տեսագրությունը: Քննությամբ պարզվել է, որ նշված խոսակցությունը եւ դրա վերաբերյալ

Քրեական վարույթով նախաքննությունը շարունակվում է. ու մինչ իրավապահները կպարզեն, թե սուրը ինչ նպատակով է եղել քաղաքացու մոտ, մեկ այլ գործով ուշագրավ վիճակ է:


Տվյալներ են ստացվել՝ մի խումբ անձանց կողմից ապօրինի կերպով զենք-զինամթերք ձեռք բերելու և պահելու վերաբերյալ:

2024թ. մայիսի 7-ին հաղորդում է ստացվել այն մասին, որ Tik Tok սոցիալական

ՔՐԵԱԿԱՆ ԲՐՈՆԻԿՈՆ

ԶԵՐԲԱԿԱԼՎԵԼ Է ԶԵՆՔ ՊԱՏԵԼՈՒ ԿԱՍԿԱԾԱՆՔՈՎ

Գյումրի քաղաքի Մուշի բաժնի համայնքային ոստիկանները մայիսի 13-ի գիշերն իրականացրած ուժեղացված ծառայության ընթացքում Մուշ-2 թաղամասում ստուգման նպատակով մոտեցել են կայանված «Ալֆա Ռոմեո» մեքենային: Հրազդան քաղաքի բնակիչ 39-ամյա վարորդը մեքենայի սրահից ոստիկաններին է ներկայացրել «Մակարով» տիպի ատրճանակ՝ լիցքավորված 5 փամփուռով: Նա, ապօրինի կերպով զենք-զինամթերք պահելու և կրելու հիմնավոր կասկածանքով, ձերբակալվել է տեղափոխվել է ոստիկանության Մուշի բաժնի:



39-ամյա տղամարդը եւ կազմված փաստաթղթերը ներկայացվել են Շիրակի մարզային քննչական վարչություն: Հանգամանքները պարզվում են:

կասյանի ապօրինի կալանքի ժամկետը երկարաձգվել է. այս մասին հայտնում են աղբյուրներից:

ԱՊՕՐԻՆԻ ԿԱԼԱՆՔԻ ԺԱՄԿԵՏԸ

ԵՐԿԱՐԱԶԳՎԵԼ Է

Օկուպացված Արցախի Հանրապետության նախկին նախագահ Արկարի Ղու-

Նշվում է, որ Բինագադիի շրջանային դատարանը քննարկել է Ղուկասյանի կալանքը երկարացնելու մասին դատախազի միջնորդությունը, որն առաջարկվում է Ղուկասյանի կալանքը երկարաձգել եւս մի քանի ամսով՝ նախաքննության միջոցառումների շարունակման կապակցությամբ:

Հիշեցնենք, որ ԱՀ նախկին նախագահը ձերբակալվել էր Արցախում այս տարվա սեպտեմբերին, ինչից հետո նրան տեղափոխել էին Բաքվի բանտ:

ՎԱՐՈՒՅԹՆԵՐ

ԼՐԱԳՐՈՂԻՆ ՎՐԱԵՐԹԻ ԵՆԹԱՐԿԵԼՈՒ ԳՈՐԾԸ

2024 թվականի մայիսի 14-ին՝ ժամը 10:50-ին, բժշկական կենտրոնից հարողում է ստացվել այն մասին, որ Երեւան քաղաքի Խ. Աբովյան փողոցում, վրաերթի ներթափանցումից հետո, իրենց մոտ բուժօգնության է դիմել Նարե Գեւորգյանը:

Դեպքի առթիվ ՀՀ քննչական կոմիտեի ԵԶԲՎ ՃՏՀ քննության բաժնում, ՀՀ քրեական օրենսգրքի 342-րդ հոդվածի 1-ին մասով, նախաձեռնվել է քրեական վարույթ:

Քրեական վարույթի նախաքննությամբ նախնական տվյալներ են ստացվել այն մասին, որ տուժած անձը հանդիսանում է մայրաքաղաքում անցկացվող ակցիաները լուսաբանող, Mediahub.am կայքի լրագրող Նարե Գեւորգյանը, իսկ պատահարը տեղի է ունեցել, նախնական տվյալներով, ոստիկանական «Գազել» մակնիշի ավտոմեքենայով ոստիկանության ծառայողների կողմից նշված ճանապարհահատվածում հատուկ ծառայություն իրականացնելիս:

Տվյալներ են ստացվել այն մասին, որ դեպքի պահին նշված տրանսպորտային միջոցի առկայծող կապույտ եւ կարմիր փարոսիկները եւ հատուկ ծայնային ազդանշանը միացված են եղել: Քրեական վարույթով նշանակվել է դատաբժշկական փորձաքննություն:

ԿՐԱԿՈՑՆԵՐ՝ ԱՐԱՐԱՏԻ ՄԱՐԶՈՒՄ

Մայիսի 11-ին՝ ժամը 19:15-ի սահմաններում, ՀՀ ներքին գործերի նախարարության ոստիկանության քրեական ոստիկանությունում օպերատիվ տեղեկություններ են ստացվել, որ Մասիսում վիճաբանություն է տեղի ունեցել, որի ժամանակ ինչեւ են կրակոցներ: Մասիս են ժամանել ՀՀ ՆԳՆ ոստիկանության քրեական ոստիկանության ծառայողները ու տեղում պարզվել, որ տեղեկությունը հավաստի է:

Ոստիկանների ու քննիչների ձեռնարկված օպերատիվ հետախուզական միջոցառումների արդյունքում պարզվել է, որ «ՎԱԶ 2112» ավտոմեքենայի վարորդը Արագածոտնի մարզի բնակիչ 22-ամյա Տիգրան Մ.-ն է, «Օպել»-ի վարորդը՝ Արագածոտնի մարզի բնակիչ 26-ամյա Հրանտ Գ.-ն, եւ ուղեորները, որոնք մայիսի 11-ին՝ ժամը 19:10-ի սահմաններում, Մասիս քաղաքի Հեռացու փ. 26/1 հասցեի դիմաց անձնական հարցի շուրջ ծագած վիճաբանության ժամանակ փայտեղով եւ մահակներով հարվածներ են հասցրել Chevrolet Volt մակնիշի ավտոմեքենայի վարորդ, Արարատի մարզի բնակիչ 28-ամյա Շավարշ Դ.-ին, որն էլ իր մոտ եղած ատրճանակից կրակոցներ է արձակել: Դեպքի վայրի գնությամբ փորձագետի կողմից հայտնաբերվել է 9 մմ տրամաչափի կրակված մի քանի պարկուճ:

Ոստիկանները մայիսի 12-ին Տիգրան Մ.-ին հայտնաբերել ու ձերբակալել են:

● Ըստ ոստիկանության տվյալների՝ մայիսի 13-ից 14-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 97 դեպք, որից 1-ը՝ նախկինում կատարված:

**ՀԱՍԱՐԱԿՈՒԹՅՈՒՆ**

**ՄԱՐԶ**

**ԻՆՉ ԳՈՐԾ ՈՒՆԵՐ ՄԱՆԱԿԱԶԱՏՄԱՆ ՀԱՐՑՈՎ**

Տավուշի մարզպետ, ԶԳ կուսակցության վերահսկող հանձնաժողովի նախագահ Յայկ Ղալումյանին հարցում ենք արել. «Դիլիջան համայնքի ԶԳ-ական ղեկավար Դավիթ Սարգսյանը ապրիլի 17-ին մասնակցեց վարչապետ Նիկոլ Փաշինյանի հետ ոսկեպարզների հանդիպմանը, ապրիլի 26-ին Կիրանցում բնակիչների հետ լարված մթնոլորտում կայացած հանդիպմանը ձեզ էր ուղեկցում: Ի՞նչ առաքելություն ուներ Դիլիջան համայնքի ԶԳ-ական ղեկավարը Կիրանցում, ո՞վ է նրան ներգրավել այդ գործին»: Մարզպետարանից ստացված պատասխանում գրված է. «Հարցի վերաբերյալ առաջարկում ենք դիմել Դիլիջանի համայնքապետարանին»: Կեռտեքի կնիքով մարզպետի խորհրդին, կղիսեմք Դիլիջանի համայնքապետարան, սակայն Դիլիջանի համայնքապետարանը, համայնքի ղեկավար Դավիթ Սարգսյանի գլխավորությամբ, խախտելով ՀՀ Սահմանադրության և «Տեղեկատվության ազատության մասին» օրենքի պահանջները, չի պատասխանել նախկինում ուղարկված մեր տեղեկատվական հարցումներին:

**ԼՈՒՄԱՆԿԱՐՆԵՐԸ ԶՆՋԵԼ ԵՆ**

Իջեան քաղաքի պետական բուժօժիմնարկների մի շարք աշխատողներ, որոնք ֆեյսբուքյան իրենց էջում տարբեր միջոցառումներից՝ Հայ առաքելական եկեղեցու Տավուշի թեմի առաջնորդ, «Տավուշը հանուն հայրենիքի» շարժման նախաձեռնող և ղեկավար Բագրատ արքեպիսկոպոս Գալստանյանի բազում լուսանկարներ ունեն, շտապ ջնջել են այդ լուսանկարները: Հայտնի չէ՝ նրանք ստիպել են ջնջել Սորբազանի լուսանկարները, թե՛ իրենք են աշխատանքը կորցնելու վախից դրանք ջնջել: Մարզի բուժօժիմնարկները գտնվում են Տավուշի մարզպետարանի անմիջական ենթակայության ներքո:

**ԳԱՏԱԳՈՒԼ ՉԻ ԵՂԵԼ**

«Ազգային ճակատը» լուր է տարածել, որ մայիսի 13-ին Նոյեմբերյանի պետական քոլեջում դասադուլ է եղել այդ լուրի հետ ներկայացնելով դրսում գտնվող ուսանողների լուսանկար: Մայիսի 14-ին գանգադարձից Նոյեմբերյանի պետական քոլեջի տնօրեն Կարեն Նազարյանին: Նա հայտնեց, որ Նոյեմբերյանի քոլեջում այդ օրը դասադուլ չի եղել: Տնօրենն ասաց, որ քոլեջում ներկայումս այն ժամանակաշրջանն է, երբ ուսանողների 70 տոկոսը մասնակցում է ուսումնական պրակտիկայի, Նոյեմբերյանի պետական քոլեջում դասադուլի մասին վկայող լուսանկարն արվել է այն ժամանակ, երբ կուրսերից մեկի ուսանողներն ուսումնական պրակտիկայի են դուրս եկել: Կ. Նազարյանն ասաց, որ ուսումնական պրակտիկայի ջանասակցած կուրսերից գատ մնացած կուրսերը բնականոն կերպով դասեր են արել, դասադուլ չի եղել: Մայիսի 14-ին էլ Նոյեմբերյանի պետական քոլեջում դասադուլ չկար:

**ՈՍՎԱՆ ՄԱՐԶՅԱՆ**  
**Տավուշ**

**«ԱՎՈՐՈՐԱ 2025»**

**ՄԿՄՎԱԾ Է ԱՌԱՋԱԳՐՈՒՄՆԵՐԻ ՓՈՒԼԸ**

2025 թ. «Ավորա» համալսարանի մարդասիրական մրցանակի առաջադրումների փուլն սկսված է: «Ավորա» մարդասիրական նախաձեռնության այս համալսարանի մրցանակը բացահայտում է և աջակցում մեծորա հեռուներին, որով շնորհիվ դրական փոփոխություններ են իրականացնում այն համայնքներում, որնեղ ամենաբարձր կա դրա կարիքը:



«Ինձ մեծ ուրախություն է պատճառում առաջադրումների նոր փուլի մեկնարկը», - ասաց «Ավորա» մրցանակի ընտրող հանձնաժողովի նախագահ Ե. Լոնդոնի կայսերական քոլեջի Գլորալ առողջապահական նորարարությունների ինստիտուտի համալսարանի Լորդ Արա Գարգին: «Շնորհով հանձնաժողովի պատվարժան անդամներն ու ես անհամբեր սպասում ենք նոր և ոգեշնչող թեկնածուների առաջադրմանը և նրանց ազդեցիկ պատմություններին: Ամեն տարի աշխարհի տարբեր անկյուններից մարդիկ առաջադրում են համայնքներում աշխատող հարյուրավոր ակտիվիստների, որոնք արժանի են համարում այս մարդասիրական մրցանակին, իսկ մեզ համար պատիվ է, որ կարող ենք լույս սփռել նրանց ակնառու աշխատանքի վրա»:

Յուրաքանչյուր ոք կարող է առաջադրել մեծորա հեռուների, որից հետո ստուգվում է նրանց համապատասխանությունը առաջադրման չափանիշներին: Նախնական գնահատումից հետո «Ավորա» մրցանակի Փորձագետների խորհուրդը կազմում է թեկնածուների կարճ ցուցակ: Ավելի ուշ «Ավորա» մրցանակի ընտրող հանձնաժողովն ընտրում է «Ավորայի» հեռուներին, ապա մրցանակի դափնեկրին, որի անունը հայտարարվում է «Ավորա» մրցանակի շնորհման արարողության ժամանակ:

2024 թ. մայիսի 9-ին Լոս Անջելեսում տեղի ունեցած «Ավորա» մրցանակի շնորհման արարողության ժամանակ 2024 թ. «Ավորա» մրցանակի դափնեկիր

**«Ավորա» մարդասիրական նախաձեռնության մասին**

Ստեղծվելով Հայոց ցեղասպանությունը վերապրողների անունից՝ ի երախտագիտություն նրանց փրկողների՝ «Ավորա» մարդասիրական նախաձեռնությունը ձգտում է լուծել մարդասիրական խնդիրներն աշխարհի տարբեր անկյուններում տեղում օգնելով ամենակարիքավորներին: «Ավորան» էապես բարեփոխել է խիստ կարիքի մեջ գտնվող մարդկանց կյանքը՝ բացահայտելով և աջակցելով մարդասեր հեռուներին ու նրանց խիզախ գործունեությունը: «Ավորան» արդեն նախաձեռնել է և աջակցել ավելի քան 427 նախաձեռնություն և տարածքում՝ զգալի ազդեցություն գործելով խիստ կարիքի մեջ գտնվող մոտավորապես 3.2 մլն մարդու կյանքում:

**ԷԼՄԱ ՄԻՔԱՅԵԼՅԱՆ**

**«ԿԱՆՆԻ» 77**

**ՓԱՌԱՏՈՆԻ ՄԵԿՆԱԲԿԸ՝ ԱՅՍՕՐՎԱՆԻՑ**

**Ֆրանսիայի Լազուր ափին այսօր՝ մայիսի 14-ին, բացվում է Կաննի միջազգային կինոփառատոնը. կինոսուզագեստի հիմնական մրցույթում այս օրի ներկայացված է ֆանտերլու ֆիլմ:**



Լայի «Մեգալուպոլիս» գիտաֆանտաստիկ ֆիլմը, հույն ռեժիսոր Յորգոս Լանտիմոսի «Բարության տեսակները» եւ իտալացի ռեժիսոր Պաոլո Սորենտինոյի «Պարտենոպա» ֆիլմերը: Բացի դրանից, ստուգատեսի հիմնական մրցույթում պայքարելու են Դոնալդ Թրամփի կարիերայի մասին պատմող իրանական ծագումով շվեդ ռեժիսոր Ալ Աբասի «Աջակերտը» ֆիլմը, Շոն Բեյքերի «Անորա» ֆիլմը, կանադացի ռեժիսոր Դեյվիդ Կրոնենբերգի «Պատանքներ» ֆիլմը, ֆրանսիացի ռեժիսոր Քրիստոֆ Օտորեի՝ Մարչելո Մաստրոյանի մասին պատմող «Իմ Մարչելոն» ֆիլմը եւ այլ կինոնկարներ: Հիմնական մրցույթում ընդգրկվել են նաեւ շվեդ ռեժիսոր Մանգուս Ֆոն Հոռնի «Ատեղով աղջիկը» ֆիլմը, բրիտանացի ռեժիսոր Անդրեա Անլուզի «Թռչունը» կինոնկարը, բրազիլացի ռեժիսոր Կարիմ Այնուզի «Ճակատագրի հյուրանոցը» ֆիլմը, ֆրանսիացի ռեժիսոր Ժակ Օդիարի «Էմիլյա Պերես» ֆիլմը եւ այլ ֆիլմեր:

● **Անցած 1 օրվա ընթացքում հանրապետությունում արձանագրվել է ճանապարհատրանսպորտային 7 պատահար. 10 մարդ ստացել է տարբեր աստիճանի մարմնական վնասվածքներ:**



ՄՆԱԿՈՒՅԹ

«ՍԱՆԿՏ ՊԵՏԵՐՐՈՒՐԳԻ ՊԱԼԱՏՆԵՐ»

ՓԱՌԱՏՈՆԵՐ ԵՐԵՎԱՆՈՒՄ ԿՆԵՐԱՌԻ ԵՐԵՔ ՂԱՄԵՐԳ

Առաջին անգամ Հայաստանում հունիսի 16-23-ը «Սանկտ Պետերբուրգի դպրակներ» միջազգային երաժշտական փառատոնը...

Շաբաթվա ընթացքում երեւանի երաժշտական տարբեր հարթակներում հինավուրց Զվարթնոցի տաճարի բացօթյա հրապարակում...

Փառատոնի հանդիսավոր բացումը տեղի կունենա հունիսի 16-ին հինավուրց Զվարթնոցի տաճարում: Երեւանցիները եւ հյուրերը կվայելեն դյուբայի պատմա-երաժշտական ներկայացում...

Ելույթ կունենան օպերային բեմի համաշխարհային աստղեր Իտալիայից, Ֆրանսիայից և Ռուսաստանից...



Գալլա-կոնցերտ «ՈՍԵՐՆԵ ԳՕԼՕՏԱ» ՔԱՄԵՐՆԱԿԱՆ ՕՍԵՐՆԵ ԳՕԼՕՏԱ ՎԵՐՉՈՒՄ Ե ԿՆՊՈՂ ՏԱԵՐԱՐԱՆԱՆԻ ԻՍԿԱՍՆԵՐԻ ՎԵԼՈՐՍ ՊԱԼԱՏՆԵՐԻ ՄԱՆՔԻՆԻ

ապրամ դարաշրջանի արտասովոր մթնոլորտի մեջ: Զունիսի 23-ին Արամ Խաչատրյանի համերգարտահամու կկայանա զալա-համերգ Իտալիայից...

ՄԱՐԶԱԿԱՆ

ՇԱՐԺԱՅԻ ԸՆԽՄԱՏԱՅԻՆ ՄՐՑԱՇԱՐԸ



Հայաստանի ներկայացուցիչները մեկնարկում են Շարժայի շախմատային միջազգային մրցաշարում:

Շարժայի միջազգային մրցաշարն անցկացվում է շվեյցարական մրցակարգով և բաղկացած է 9 տուրից:

ԺԻՐՈՒՆ ԿՏԵՂԱՓՈԽՎԻ ԱՄԵՐԻԿՅԱՆ ՄԼՍ

Ֆրանսիայի ազգային թիմի եւ իտալական «Միլան»-ի ֆուտբոլիստ Օլիվյե Ժիրոն կարիերան կշարունակի ամերիկյան ՄԼՍ-ում:

ՄԱՐՏԻԿՆԵՐԸ ՊԱՏՐԱՏԱՎՈՒՄ ԵՆ

Հայաստանի բռնցքամարտի կանանց եւ տղամարդկանց թիմերը վերջին հավաքն են անցկացնում Փարիզի Օլիմպիական խաղերի վարկանիշային մրցաշարից առաջ:

ԵՐԱԺՇՏՈՒԹՅՈՒՆ

ԱԶՆԱՎՈՒՐԻ 100-ԱՄՅԱԿԻՆ ՆՎԻՐՎԱԾ ՄԻՋՈՑԱՌՈՒՄ

ՀՀ կրթության, գիտության, մշակույթի եւ սպորտի նախարար ժամկետային Անդրեասյան Արտաշատի Ամո Խարազյանի անվան դրամատիկական թատրոնում ներկայացվել է եղել Հայաստանի ազգային հերոս, Ֆրանսիայի Պատվով լեգեոնի շքանշանակիր, աշխարհահռչակ շասունյե, հասարակական գործիչ Շառլ Ազնավուրի ծննդյան 100-ամյակին...

ներկայացրել են դրվագներ Շառլ Ազնավուրի կյանքից եւ ստեղծագործական գործունեությունից, հանդես եկել նրա հեղինակած ստեղծագործություններով, ներկայացրել պարային եւ վոկալ կատարումներ: «Այնքան կարեւոր է, որ մենք խրախուսենք երեխաներին՝ ներկայացնելու իրենց գաղափարներն ու մտեցումները: Մեծահասակների կողքին երեխաներն իրենց տեսանկյունից պետք է խոսեն իրադրությունների եւ մարդկանց մասին, ինչը կօգնի նրանք շարունակել պատմությունները եւ պահպանել մշակութային ժառանգությունը» - ասել է նախարարը: Ժամկետային Անդրեասյանի անդրադարձել է նաեւ նախաձեռնության ձեռնարկին՝ մեկ գաղափարի շուրջ համախմբված եւ 14 դպրոցների համատեղ ջանքերով կազմակերպած միջոցառմանը՝ նշելով, որ այս համագործակցությունն արժանի է մեծ գնահատանքի: «Կարեւոր է, որ դպրոցներն աշխատեն միասին, համախմբվեն ընդհանուր գաղափարների շուրջ եւ իրականացնեն դրանք»: Ազնավուրի 100-ամյակի հոբելյանական միջոցառմանը ներկա են եղել նաեւ ՀՀ...

ԿԳՄՍ նախարարի տեղակալ Դանիել Դանիելյանը, ՀՀ Արարատի մարզպետ Սեդրակ Թեւոնյանը, ՀՀ նախագահի խորհրդական Վահրամ Դումանյանը: ՄԻՄՖՈՆԻԿԻ ՀԵՏ ԵԼՈՒՅԹ ԿՈՒՆԵՆԱ ՆՈԱ ԲԵՆԴԻՔՍԸ Մայիսի 20-ին՝ ժամը 19:30-ին, Արամ Խաչատրյանի համերգարտահամու տեղի կունենա Հայաստանի պետական սիմֆոնիկ նվագախմբի եւ ջութակահար Նոա Բենդիքս-Բալգլիի համերգը՝ դիրիժոր Սեդրակ Սմբատյանի ղեկավարությամբ: Ծրագրում կհնչեն Ղազարոս Սարյանի «Սիմֆոնիկ պատկերները», «Սիմֆոնիան» եւ Յան Սիբելիուսի «Ջութակի կոնցերտը»: Ամերիկացի հանրահայտ ջութակահար Նոա Բենդիքսը Բենդիքսի ֆիլիարմոնիկ նվագախմբի կոնցերտամայստերն է: Նա նաեւ հյուրախաղերով հանդես է գալիս եւ որպես մենակատար, եւ որպես կամերային երաժիշտ: Ջութակ նվագում է 4 տարեկանից, բազմաթիվ միջազգային մրցույթների դափնեկիր է:

● Մայիսի 16-ին՝ ժամը 20:00-ին, Հ. Պարոնյանի անվան երաժշտական կոմերսիալ պետական թատրոնում կցուցադրվի «Ծաղիկներ էլ չերևան համար» ներկայացումը: Տոմսերի արժեքը՝ 4000 դրամ:



**ԻՐԱՎԱԿԱՆ**

**ՀԱՐՑ.** Արդյո՞ք հնարավոր է գրանցման/վերագրանցման համար անհրաժեշտ փաստաթղթերը ներկայացնել ՀՀ իրավաբանական անձանց ոչեսական ռեգիստրի գործակալություն՝ առանց գործակալություն ֆիզիկապես ներկայանալու:

Արամ Ստեփանյան (38 տարեկան)



**ՊԱՏԱՍԽԱՆ.** Այո, ՀՀ կառավարության 2016 թվականի հոկտեմբերի 27-ի N 1109-Ն որոշման հավելված 2-ի համաձայն՝ հասարակական կազմակերպությունների պետական գրանցման, փոփոխությունների պետական գրանցման կամ պետական գրանցման մերժման կապակցությամբ Հայաստանի Հանրապետության պետական իշխանության մարմինների սպասարկման գրասենյակների գործառույթներ իրականացնող օպերատորն իրականացնում է դիմողի նույնականացման, պետական տուրքի գանձման, փաստաթղթերի ընդունման, փոխադրման եւ հանձնման գործառույթներ:

Իրավաբանների հայկական ասոցիացիա

**«ԺՈՂՎՈՒՐԳ».**

- Վերոնշյալ որոշման հավելված 1-ով սահմանված է օպերատորների ցանկը, որոնք են՝
1. «ՀԱՅՓՈՍ» փակ բաժնետիրական ընկերություն
  2. «ԱՐԴՇԻՆԲԱՆԿ» փակ բաժնետիրական ընկերություն
  3. «ԱՄԵՐԻԱԲԱՆԿ» փակ բաժնետիրական ընկերություն
  4. «ԿՈՆՎԵՐՍ ԲԱՆԿ» փակ բաժնետիրական ընկերություն
  5. «ԱՆԵԼԻԲ ԲԱՆԿ» փակ բաժնետիրական ընկերություն
  6. «ՀԱՅԷԿՈՆՈՍԲԱՆԿ» բաց բաժնետիրական ընկերություն
  7. «ԱՐԱՐԱՏԲԱՆԿ» բաց բաժնետիրական ընկերություն
  8. Հայաստանի Հանրապետության անշարժ գույքի կադաստրի պետական կոմիտե
  9. «ՄՈՒԲ ԴՐԱՄ» փակ բաժնետիրական ընկերություն
  10. «ՅՈՒՆԻԲԱՆԿ» բաց բաժնետիրական ընկերություն:
- Հետեւաբար փաստաթղթերը ՀՀ իրավաբանական անձանց պետական ռեգիստրի գործակալություն հնարավոր է ներկայացնել վերոնշյալ ընկերությունների գրասենյակների միջոցով:

**ՖԻՆԱՆՍՆԵՐ**

**ՀԱՐՑ.** Ի՞նչ է կենտրոնական բանկի անկախությունը, եւ ինչո՞ւն է այն չափվում:

Աշոտ Գեղոբյան (29 տարեկան)



**ՊԱՏԱՍԽԱՆ.** Գների կայունության ապահովման համար ինստիտուցիոնալ կարեւոր նախապայման է ԿԲ-ների անկախությունը: Ուսումնասիրությունները վկայում են, որ ԿԲ-ների անկախությունը (գործառնական) նպաստում է իրականացվող դրամավարկային քաղաքականության վարկունակությանը՝ մեծացնելով շուկայի արձագանքը ԿԲ ազդակներին: Էմպիրիկ վերլուծությունները բացահայտել են ԿԲ-ի անկախության եւ ցածր գնաճի միջեւ ուղղակի կապ:

ՀՀ կենտրոնական բանկ

**«ԺՈՂՎՈՒՐԳ».**

- Դրամավարկային քաղաքականության իրականացման առումով տարբերակում են ԿԲ-ի անկախության երեք աստիճան՝
- Նպատակի սահմանման,
  - Նպատակային ցուցանիշի սահմանման,
  - գործառնական:

**ՏԵՂԵԿԱՅՎԱԾ**

**ԼՈՒՐ ԿԱԴՐ**

Լուսանկարը՝ համացանցից



Հայաստանի ֆուտբոլի առաջնության՝ Պրեմիեր լիգայի 34-րդ տուրում «Փյունիկ»-ն արտագնա խաղում մրցեց ԲԿՄԱ-ի հետ եւ 3 «անպատասխան» գնդակ ուղարկեց «բանակայինների» դարպասը: «Փյունիկ»-ը հաղթեց ԲԿՄԱ-ին եւ մնում է չեմպիոնական մրցապայքարում:

**ԲԱԺՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել

«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



Շիրակ	0 + 3 +10 + 14	Արարատ	+9 + 12 +20 + 23
Կոտայքի լեռներ	+1 + 4 +10 + 12	Արմավիր	+8 + 10 +20 + 22
Կոտայքի նախալեռներ	+5 + 8 +16 + 18	Վայոց ձորի լեռներ	+2 + 5 +11 + 13
Գեղարքունիք	+1 + 5 +13 + 17	Վայոց ձորի նախալեռներ	+9 + 11 +19 + 22
Լոռի	+2 + 5 +13 + 16	Սյունիքի հովիտներ	+8 + 12 +22 + 25
Տավուշ	+4 + 8 +17 + 19	Սյունիքի նախալեռներ	+6 + 8 +14 + 17
Արագածոտնի լեռներ	0 + 4 +9 + 13	ԼՂՀ	+7 + 9 +13 + 16
Արագածոտնի նախալեռներ	+6 + 9 +16 + 19	Երեւան	+13 + 15 +15 + 17

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22<sup>ա</sup>/3, հեռ.՝ 010 54-64-23  
Պետական գրանցման վկայականի համարը՝ 03U089086  
տրված է 24.11.2010  
Ստորագրված է տպագրության 14.5.2024

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆԴ» տպարան ՍՊԸ հրատարակչությունում  
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: